



საქართველოს საარჩევნო ადმინისტრაცია
საქართველოს ცენტრალური საარჩევნო კომისია
განკარგულება №75/2024

მუნიციპალიტეტის წარმომადგენლობითი ორგანოს - საკრებულოს 2021 წლის 2
ოქტომბრის არჩევნების მაჟორიტარული საარჩევნო სისტემით გასამართი
თვითმმართველი თემების - სამტრედიის და ჩოხატაურის მუნიციპალიტეტების
საკრებულოების შუალედური არჩევნების დანიშვნის შესახებ

ქ. თბილისი

2024 წლის 27 აგვისტო

ჩოხატაურის მუნიციპალიტეტის საკრებულოს მიმდინარე წლის 28 თებერვლის №11
განკარგულების შესაბამისად, ჩოხატაურის მუნიციპალიტეტის №62.11 ადგილობრივი
მაჟორიტარული საარჩევნო ოლქიდან არჩეულ საკრებულოს წევრს მიხეილ თავართქილაძეს
ვადამდე შეუწყდა ჩოხატაურის მუნიციპალიტეტის საკრებულოს წევრის უფლებამოსილება.

სამტრედიის მუნიციპალიტეტის საკრებულოს 2024 წლის 14 ივნისის №გ-63.63241662
განკარგულების შესაბამისად, სამტრედიის მუნიციპალიტეტის საკრებულოს მიერ ცნობად
იქნა მიღებული ინფორმაცია, სამტრედიის მუნიციპალიტეტის №54.11 ადგილობრივი
მაჟორიტარული საარჩევნო ოლქიდან არჩეული საკრებულოს წევრის ილია მჭავიას
სამტრედიის მუნიციპალიტეტის საკრებულოს წევრის უფლებამოსილების ვადამდე
შეწყვეტის შესახებ.

საქართველოს ორგანული კანონის „საქართველოს საარჩევნო კოდექსი“ მე-14 მუხლის
პირველი პუნქტის „ი“ ქვეპუნქტის, 77-ე მუხლის მე-5 პუნქტისა და 154-ე მუხლის მე-3 და
მე-4 პუნქტების საფუძველზე, საქართველოს ცენტრალური საარჩევნო კომისია ადგენს:

მუხლი 1. მუნიციპალიტეტის წარმომადგენლობითი ორგანოს - საკრებულოს 2021 წლის
2 ოქტომბრის არჩევნების მაჟორიტარული საარჩევნო სისტემით თვითმმართველი თემის -
ჩოხატაურის მუნიციპალიტეტის №62.11 და თვითმმართველი თემის - სამტრედიის
მუნიციპალიტეტის №54.11 ადგილობრივ მაჟორიტარულ საარჩევნო ოლქებში

მუნიციპალიტეტების საკრებულოების შუალედური არჩევნები გაიმართოს 2024 წლის 26 ოქტომბერს.

მუხლი 2. ეს განკარგულება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი №64) მისი მიღებიდან 2 კალენდარული დღის ვადაში.

მუხლი 3. ეს განკარგულება ამოქმედდეს მიღებისთანავე.

კომისიის თავმჯდომარე

გიორგი კალანდარიშვილი

კომისიის მდივანი

გიორგი ჯავახიშვილი